

КАНОНЫ БОЖИЕЙ МАТЕРИ НА КАЖДЫЙ ДЕНЬ

Расположенные по гласам и дням седмицы

ГЛАС СЕДЬМОЙ

В СУББОТУ.....	1
В НЕДЕЛЮ.....	3
В ПОНЕДЕЛЬНИК.....	6
ВО ВТОРНИК.....	8
В СРЕДУ.....	10
В ЧЕТВЕРТОК.....	13
В ПЯТОК.....	15

В СУББОТУ¹

Канон Пресвятей Богородице

Песнь 1

Ирмос: Сокрушившему брани мышцею Своею и всадники тристаты погрузившему, поим Емú, яко Избавителю нашему Богу: яко прославися.

Припев: Пресвятая Богородице, спаси нас.

Яко украшение пением, и песнь Богоподобну благодарения Ти дары приносим: еже радуйся ныне, Чистая, яко от печали радость нам подала еси.

Милости Твоея благодать и покрова крепость не премолчим, Дево Пречистая: яко от бед лютых нас спасла еси.

Слава: От различных избавльшися искушений и скорбей Матерними Твоими молитвами, Пречистая, согласно и тепле благодарения Тебе вси гласы поим.

И ныне: Ряснами испещрена яко златыми, добродетельми и Духа благодатьми, Пречистая, яко Невеста Отча украсившися, воистинну явилася еси Мати Богу.

Песнь 3

Ирмос: В начале небесá всеильным Словом Твоим утверждей, Господи Спасе, и вседетельным и Божиим Духом всю силу их, на недвижимем мя камени исповедания Твоего утверди.

Радости Божественныя величие, яко от начала нам веселию, благодарения гласы приносим прилежно, почитающе Ю яко предстательницу нашу.

Иже Тобою избавльшися от бед и Тебе ради радость получивше, Мати безневестная, яко подательницу благую, и заступницу благохвальну вси прославляем.

Слава: Изменение прегрешений и напастей Божественною Твоею молитвою приемлюще, Мати Христа Бога, яко вину́ благих воспеваем Тя верно благодарными гласы.

И ныне: Яже радости источник безсмертныя, точит струи прísно, и спасает всех

¹ Т. е. канон следует читать в субботу вечером, под воскресенье. Все каноны читаются вечером указанного дня. Слово «молебный» в названии канона означает, что Устав предполагает его исполнение на молебне.

Самá: я́ко присножи́зненное нам благода́йние, Ма́ти Христа́ Бо́га.

Песнь 4

Ирмос: Покрýла есть небеса́, Христé Бо́же, смотре́нием Твои́м, добродéтель неизрече́нных мýдрости Твоея́, Человеколю́бче.

Досто́йну Ти песнь ра́дования, Чи́стая Дéво, веселя́щися, прино́сим, изба́вльшися от бед Твои́ми моли́твами.

Благодáрственно Тебе́, Дéво Чи́стая, душе́вными рука́ма вно́сим пéние, Божéственными пéснями игра́юще, от печáли изба́вльшися мно́гия.

Слава: Воздвигóша на ны бéды мно́ги страстни́и греси́: но Божéственным Твои́м покрóвом, Чи́стая, нас изба́ви.

И ныне: Блажéни воистину́ чтýщии Тя, Богороди́це Пречи́стая, я́ко Тобо́ю грехá и печáли изба́вихомся.

Песнь 5

Ирмос: Ночь несветлá неверным, Христé, вéрным же просвещéние в слáдости словéс Твои́х: сего́ ра́ди к Тебе́ úтренюю и воспева́ю Твоé Божество́.

Грехá потребите́ля Христа́, Дéво, родила́ еси́, Имже от напа́стей и болéзней спасéся мир: тёмже ра́дуйся, и мы вопи́ем Ти, изба́вльшиися печáлей.

Объёмшися различными напа́стями, Чи́стая Влады́чице, и печáлию и скóрбию, и лю́тым обстоя́нием, отча́явшися мы весéлия, наде́жду Тя обрето́хом.

Слава: Я́ко спасéния храни́лище нам рабо́м Твои́м, Чи́стая, отгоня́еши напа́сти и соблюда́еши невредíмы. Тёмже, причáстницы мно́гих Твои́х благ, благодарíм Тя пéснями.

И ныне: Благодарíм Тя, изба́вльшися Тобо́ю грехóв мно́гих, и нéмощей и болéзней, и недýг лю́тых, Пречи́стая Влады́чице: наде́жда бо еси́ твёрда Твои́м вéрным рабо́м.

Песнь 6

Ирмос: Во глубинý грехóвную впа́дая, Бла́же, я́ко Ио́на от кита́ вопио́ Ти: возведи́ от гли живóт мой и спаси́ мя Человеколю́бче.

Ангельстии язы́цы досто́йно Твоя́ хвалы́ воспéти не мо́гут Чи́стая: мы же ны́не ра́бски взёмшися, ра́дование Гаври́илово прино́сим Ти.

Во глубинý печáли и обстоя́ния грехи́ на́шими впа́дше, изба́вихомся Тобо́ю от нýжды и напа́стей, Дéво Богороди́це Чи́стая.

Слава: Под до́лгом соде́лася весь мир, Чи́стая, благодарíти, и хвалíти, и слáвити благодáть Твою́ благоче́стно: Тобо́ю бо бед и печáлей изба́влени бýхом.

И ныне: В но́щи и во дни, я́ве и втай, под Твоей прибега́ем покрóв, Пречи́стая Дéво, и́же Тя вéрно славослóвлящая.

Таже: Го́споди помíлуй, *трижды.* Слава, и ныне

Седален, глас 7:

Го́споди, мы есмь лю́дие Твои́ и óвцы па́жити Твоея́, заблúждших я́ко па́стырь обратí нас, тлею́ расточéнных собери́ нас: помíлуй ста́до Твоé, умилосéрдися на лю́ди Твоя́, моли́твами Богороди́цы, Еди́не безгрéшный.

Песнь 7

Ирмос: В пещь óгненную ввэ́ржени преподо́бнии óтроцы, огонь в рóсу преложи́ша,

воспеванием сице вопиюще: благословен еси, Господи Боже отец наших.

Радование благодарственное Тебе приносим, Мати Божия: яко воистину Тобою избавлены всякаго злаго начинания, и согласно Тебе поем: благословенна еси.

Водворихомся в вечер в плачи печалей и чаянии злых: но Твоим Боголепным Кровом, Дево, обожени бывше, обретохом радость заутра: Ты бо спасла еси нас.

Слава: Яко Божественное прибежище, мы покров Твой вси стяжавше к Богу, в напастех и гонениях и гресех, к Тебе прибегаем, и Тобою изменение приемлем, Пречистая.

И ныне: Благодать молитвы Твоея, Чистая, проповедуем усты и духом, Славная: яко Тебе ради, напасти и бури, и тяжких печалей, и греха страстей вси избавляемся.

Песнь 8

Ирмос: Страшнаго херувимом, и чуднаго серафимом, и миру Творца, священницы и раби, и души праведных, пойте, благословите и превозносите Его во веки.

Яко избавльшися бури греховныя и страстей, и напастей Твоими молитвами, Богородице Благая, благодарственным гласом, радуйся, вопием Ти: яко Тобою от печали в радость прешедше.

В болезнях и напастех одержимыя не презри, Благая, но мольбу худую услышавши, свободи нас от скорбей великих: да верно Твою молитву, Чистая, воспеваем.

Слава: Прегрешений разрушению вина, ныне возстави нас от печалей, напастей и страстей человек, и искушения неподобна: Твоими же, Богородице, Божественными мольбами, избави нас от них преславно.

И ныне: Щедроты Твоя на всех всегда низпосылаются, Христе, благодатию воистинну и мольбами рождшия Тя: от Тебе бо приемлем христиане милость Твою, Спасе милостиве.

Песнь 9

Ирмос: Паче естества Матерь и по естеству Деву, Едину в женах благословенную, песнями вернии Богородицу величаем.

Радование по достоянию со гласом восклицания Тебе, Дево, ныне приносим со ангелом Гавриилом, избавльшися от различных искушений, Богородице, молитвами Твоими.

Радость и веселие, и радование Божественное, Дево неискусомужная, нам умножися Божие: се бо плачущиися люте, радуемся молитвами Твоими.

Слава: Жертву хваления пожру, и языком и гласом, песнь благодарственную воздаю Ти прилежно, Дево: яко да Тебе моляся, в день печали Тобою избавлюся.

И ныне: Срадуемся, Пречистая, Божественному Твоему Рождеству благочестно: радость бо нам источила еси от напастей и печалей. Темже Ти благодарно и мы песнь совершаем, верно воспевающе Тя.

В НЕДЕЛЮ

Канон молебный Пресвятей Богородице

Песнь 1

Ирмос: Манием Твоим на земный образ преложиися прежде удобообразливаемое водное естество, Господи: темже немокренно пешествовав, Израиль поет Тебе песнь победну.

Припев: Пресвятая Богородице, спаси нас.

Чинове ангел яко воистинну и вресноту Матерь Тя Бога всех чтут, Пречистая: но

и ныне от брѣнных устѣн моѣх приими песнь молѣбную.

Умертвѣ плоти моея и еще живущую злобу, Жизнь истинную рождающая, Пречистая: и страстей и прегрешений подаждь, Чистая, Твоему рабу избавление.

Слава: Солнце от Солнца, безлѣтное Слово непостижно возсиявшее, во время возсия. Егѣже зарями просвети, Дѣво, души наша и вразуми.

И ныне: Подобает Тебѣ, Богородице, хваления Слово всегда действенно: но мы молим Тя, Чистая, спаси от всякия житейскаго печали к Тебѣ прибегающих.

Песнь 3

Ирмос: В начале небеса всесильным словом Твоим утверди, Господи Спасе, и вседетельным и Божиим Духом всю силу их: на недвижимем мя камени исповедания Твоего утверди.

Отдав долги раболѣпно благоразумие, Твоих благодатей, Владычице, тепле воспеваю Тя, Пречистая, Мати Слова и всех Избавителя: но и ныне изми мя от житейских настояний.

Умерщвлена Адама от преступления древле, лучшая, Пречистая, жизни сподобила еси яже, Живоначальное, Владычице, рождающая Слово: но ныне мя смертнаго греха свободи.

Слава: Ожестив плоти страстный закон, и ныне оскорбляет, духовный, и к лютейшим похотем совокупляет ум мой, Пречистая: но безстрастия мир подаждь ми вскоре Твоими молитвами.

И ныне: Несказанно во утробе, Пречистая, зачѣнши Христа Содержителя всех, земнородных существ разрешила еси от адовых верей: но и ныне многоплетенныя пленицы, тлеющия мя, расторгни.

Песнь 4

Ирмос: Отча недра не оставь и сошед на землю, Христѣ Бѣже, тайну услышах смотрения Твоего и прославих Тя, Едине Человеколюбче.

Нощию борюся со тьмою лютых, омрачив помысл: Двери Света, Твоими лучами одари мя и горести изми вскоре и печали.

Грехов множеством стягнут и пленицами напастей вельми связан, Твою, Владычице, ныне помощь призываю, да избавлюся всякия муки.

Слава: Соборница злых и лютых и завистных и лукавых человек советы разори, Всепетая, и всякия мя избави печали жития и скорби.

И ныне: Возвращения словес живых и действ, яже на мя, мечем Твоих молитв ссецы, Владычице, и вскоре разруши, и всякия мя избави печали.

Песнь 5

Ирмос: Нощь не светла неверным, Христѣ, верным же просвещение в сладости словес Твоих: сего ради к Тебѣ утренюю и воспеваю Твое Божество.

Непобедимая стена сущи верным, и покров буди рабу Твоему, Дѣво, и от всякия нуждныя избави печали и озлобления.

Недугую зело, люте озлобленный от обою страну, Пречистая, душевную силу и телесную, юже подъях, Твоими молитвами исцели.

Слава: В пучину, Дѣво, щедрот Твоих ныне прибегаю, раб Твой, от одержащаго мя совета неправеднаго да избавлюся и озлобления.

И ныне: Превозносима есть слава Твоих молитв всюду, Дѣво Мати Пречистая: имиже ныне мя всякаго избави житейскаго настояния.

Песнь 6

Ирмос: Плавающего в молве житейских попечений, с кораблем потопляема грехи, и душеленному зверю приметяема, яко Иона, Христе, вопию Ти: из смертоносныя глубины возведи мя.

Речения и словеса всех верно восхваляют Тя, Чистая, яко всех человек долг Рождеством Твоим яве разрушися: но и ныне певец Твоих мольбу прими, и избави искушений и печалей.

Боляща мя и страстным греховным тернием бодома, ищуща юже от Тебе цельбу, Пречистая, от всякия болезни же и скорби изми и избави от напастей и печалей.

Слава: Земнородных естество, на Небо Богородице проявлено возвела еси, бывши Палата Царя Славы: темже мя от бездны многих прегрешений и напастей, и страстей возведи.

И ныне: Воплощенное Слово паче ума и слова, Дево Чистая, родила еси, безсловесия нас избавльшаго: темже Тя словесы Божественными непрестанно воспеваем и верно славим.

Таже: Господи помилуй, трижды. Слава, и ныне

Седален, глас 7

Владычице, прогневался Сын Твой на грешныя рабы Твоя: Щедрога бо на гнев обратихом мы, но на милость претвори Его, Чистая. Умилосердися, Мати Божия, умоли Благоутробнаго мольбами самодвижными, плененныя избави.

Песнь 7

Ирмос: В пещь огненную ввержени преподобнии отроцы, огонь в росу преложиша, воспеванием сице вопиюще: благословен еси, Господи Боже отец наших.

Украшена рясами чистоты, Пречистая Отроковице: душу мою ныне претвори от злобы скверныя к Божественней доброте, Благословенная Владычице, Предстательнице рода нашего.

Свирепеют ныне злобы бесовския зело, и огонь страстей мне возжигают, но паче Твоими зарями сих до конца попали щедротами Твоими, Предстательнице рода нашего.

Слава: О нас Твоего Сына молящи, Пречистая Мати Божия, не претай отнюд молитвами Твоими, человеческих печалей и бед изымающи рабы Твоя.

И ныне: Пресущный Сын от Тебе, Дево плоть прият непреложно, и Человек бысть, да спасет поющия: благословен, Пречистая, Плод Твоего чрева.

Песнь 8

Ирмос: Отроцы зовяху в пещи орошени: тварь да благословит всяческая словом Создавшего и превозносит Его во веки.

Пажити страстные и многообразныя беды окружают воистинну, Владычице, Твоего раба: но избави мя тех всякаго искушения.

Да придет ныне на ны державная Твоя длань, Владычице, и чаемая человеческия скорби да избавит нас.

Слава: Сети лукавых и злосоветных человек сокруши, Чистая Богородительнице: и Твоего раба избави от всякия нужди.

И ныне: Единое сущее верных пристанище Божественно, Дево Чистая, молю Тя избавити мя сущия в мори жития бури горькия.

Песнь 9

Ирмос: Рáдуйся, Невéсто Свётлая, Мáти Светодавца: рáдуйся, вместившая Невместимаго во утрóбе Твоéй: рáдуйся самéх херувимов честнэйшая, рóждшая Спáса душ нáших.

Отыгрáся, я́ко жребéц, от за́поведей Влады́ки, брозда́ми Твои́х моли́тв да востя́гнуся, Пречи́стая, к пути́ ско́раго устроéния.

Низвлéкомь есмь зело́ поползновéнием неразу́мным к дея́нию лука́ваго грехá моего́: избáви мя, Богороди́це, преложéния горшаго.

Слава: Исцелéние пёрвое я́вльшися чело́веческаго существá, исцели́ла сокрушéние Ада́ма и Евы: исцели́ менé, Богороди́це, Твоими́ мольба́ми.

И ны́не: Целому́дрен ум пода́ждь ми, и чи́сто сёрдце, и разу́м смотрели́в: да сохраню́, Влады́чице, Пречи́стая за́поведи Бо́га моего́.

В ПОНЕДЕЛЬНИК Канон молебный Пресвятей Богородице

Песнь 1

Ирмос: Сокруши́вшему бра́ни мы́щию Своéю и вса́дники триста́ты погрузи́вшему, поим́ Ему, я́ко Избáвителью нáшему Бо́гу: я́ко просла́вился.

Припев: Пресвята́я Богороди́це, спаси́ нас.

Тя ви́новну нáшего спасéния и Божéственнаго избавлéния, мо́лим, Пречи́стая: моли́ся éже спастис́я нам.

Весь есмь в лю́тых напáстех, в беда́х и прегрешéниях, вопию́ Ти, Пречи́стая: спаси́ мя раба́ Твоего́.

Слава: Тя Дéву Чи́стую мо́лим и Ма́терь Зижди́теля: от вся́каго озлоблéния бесо́в избáви нас.

И ны́не: Я́же Сло́во плóтию рóждши па́че сло́ва, Нача́льника жи́зни Христа́ Бо́га нáшего, моли́ спастис́я нам.

Песнь 3

Ирмос: Утверди́ся véрою Христо́ва Цёрковь, и́бо непреста́нно пéсньми вопиéт, пою́щи: свят еси́, Го́споди, и Тя поёт́ дух мой.

Всепа́губныя зло́бы шéствовав стезю́, не обретóх пути́ спасéния моего́: к нему́же мя Ты наста́ви, Пренепорóчная Влады́чице.

Кре́пость и утверждéние, и по́мощь, и наде́жду Тя Еди́ну написую́, Всенепорóчная: Ты ми бу́ди заступница́ в день исхо́да.

Слава: Всегда́ Тя Пренепорóчная, молю́: в час смёрти моея́ предста́ни и му́ки избáви раба́ Твоего́.

И ны́не: Роди́лся еси́ от Дéвы несказáнно, яви́лся еси́, я́коже изво́лил еси́, Спáсе наш, и мир обнови́л еси́, Го́споди.

Песнь 4

Ирмос: Услы́шах слух Твой и убоя́хся, разумéх дела́ Твоя́ и ужасóхся, Го́споди.

Повелéния моего́ Влады́ки престу́пль, враго́м яви́хся удо́бь одержи́мь: Ты мя избáви, Влады́чице.

В час смёрти избáви, Пречи́стая, и спаси́ ду́шу мою́ стра́стную от бесо́в.

Слава: Разреши́, Пречи́стая Влады́чице, соу́зы прегрешéний мои́х и к Животу́ вéчному бу́ди ми ходата́ица моли́твами Твоими́.

И ны́не: Воспева́ем Тя, по Рождестве́ па́ки Дéву, и прославля́ем Тя, Пречи́стая,

яко Матерь Бѳга нашего.

Песнь 5

Ирмос: Утренююще Слове, в славу Твою и хвалу, восхваляем непрестанно образ Креста Твоего, егѳже дал еси нам оружье в помощь.

Пристанище в бури люте смущаемым, спасения двѳри верою спасаемым, Дѳво Благая, спаси мя раба Твоего.

Многя щедрѳты Твоя, Дѳво Богородице, на мене рабѳ Твоем яви богато, избавляючи мя страшнаго и будущаго суда.

Слава: Ночь страстей непостоянна содержит душу мою и к пагубней пропасти отсылает: светом молитвы Твоея, Богородице, спаси мя раба Твоего.

И ныне: Пресвятая Дѳво Обрадованная, рѳждшая Слово в лето паче слова, моли Его спасти души наша.

Песнь 6

Ирмос: Иѳна из чрева адова вопиаше: возведи от тли живѳт мой: мы же Тебѳ вопием: всесильне Спасе, помилуй нас.

В напастех заступницу Тя имама тверду, в скорбех крепкое спасение, покой в печалех, в бедях помощь, Приснодѳво.

Ты ми хранительница жизни всей явися, Пречистая: Ты мя избави от бесѳв в час смерти, Ты и по смерти упокой.

Слава: Добрѳта честных святых ангел, радование человекѳв всех Ты еси, Богородице Дѳво: Ты мя к животу настави.

И ныне: Исцели, Пренепорѳчная, окаянную душу мою, неисцельно болящую житейскими прелестями и многих дверей затвореньми.

Таже: Господи помилуй, *трижды*. Слава, и ныне

Седален, глас 7:

За милосердие милости Твоея, Христѳ Бѳже, от Дѳвы Святыя воплотитися изволил еси: Еяже ради соблюди жизнь нашу, яко Человеколюбец.

Песнь 7

Ирмос: Пещь горящую оросил еси, Спасе, ѳтроки спасл еси, поющия и глаголющия: благословен еси во веки, Господи Бѳже отец наших.

Множество прегрешений моих приемля во ум, во отчаянии бываю, Дѳво Пренепорѳчная. Темже Ти зову: помози ми, да не до конца погибну.

Жизни сущую Матерь Тя, Чистая, ведый, зову Ти: смерти душевныя избави мя и вечныя жизни сподоби.

Слава: Избави, Пренепорѳчная, от бед, и страстей, и болезней, и озлобления, и жития согрешений, и от вечнаго огня негасимаго верно чтущия Тя песньми.

И ныне: Всяк язык славит Тя, Чистая, славу сущую и похвалу рода нашего, и наставницу заблуждших, Богородице Препѳтая.

Песнь 8

Ирмос: Страшнаго херувимом и Чуднаго серафимом, и миру Творца, священницы и раби, и души праведных, пойте, благословите и превозносите Его во веки.

Все житие мое иждих в лености аз преокаянный, и ныне недоумеюся, и к концу приближися, помози ми, Владычице.

Грѣшников прибѣжище, низверженных исправление Ты еси, Владычице: сего ради притекаю к покрову Твоему, спаси мя.

Слава: Неусыпну молитву яко имущи, Всенепорочная Владычице мира, суда избави будущаго верою чтущия образ Твой.

И ныне: Поет Тя всяк язык славяй, Бога бо Препетаго родила еси, Дево Богоневесто: Егоже моли непрестанно спасти души поющих Тя.

Песнь 9

Ирмос: Паче естества Матерь и по естеству Деву, Едину в женах благословенную, песньми вернии Богородицу величаем.

Под Твое милосердие прибегающие верою избавляются скорбных бед жития. Темже и аз к Твоему покрову прибегах, Богородице.

Крепкая заступнице, непобедимая стено печальных, Чистая, спаси мя от страстей грехов и огня вечнующаго.

Слава: Светлыми сияньми возсиявшаго Слова от Тебе, Дево Чистая, озари мя и спаси, яко Благая, и от мук исхити.

И ныне: Носиши Носящаго всяческая святыми руками Твоими: Егоже моли, Чистая, чуждаго злодейства недержимых нас спасти.

ВО ВТОРНИК Канон Пресвятей Богородице

Песнь 1

Ирмос: Манием Твоим на земный образ преложиися прежде удобообразливаемое водное естество, Господи: темже немокренно пешествовав Израиль, поет Тебе песнь победную.

Припев: Пресвятая Богородице, спаси нас.

Устави бурю сластей и страстей моих тишиною Божественных Твоея мольбы, Пренепорочная: яко да тихим сердцем Твое славословлю неизглаголанное Рождество.

Все желание и сладость спасения Рождеством Твоим бысть, Богородице Владычице: всяку горесть отгоняй, еже от страстей прегрешений, рабом Твоим.

Слава: Избави мя, Пречистая, бесовския прелести, озлобления же и вреда, и искушения: да верою Тя славлю, сущую по Бозе заступницу и покров мой.

И ныне: Явился еси при купине Моисею, Божий Слове, яко огонь попалая и не опалая же отнюд, еже от Девы Рождество Твое воображая: Еяже ради человека вообразил еси.

Песнь 5

Ирмос: В начале небеса всесильным словом Твоим утвердех, Господи Спасе, и вседетельным и Божиим Духом всю силу их: на недвижимем мя камени исповедания Твоего утверди.

Вознесагося на Крест, и низложшаго ада, Богородице, Сего прилежно моли о верно поющих Тя всегда гласы и песньми священными, надежде мира и верных заступление.

Вышшая небес и славнейшая херувим зачещи, родила еси Бога: темже моли Его прегрешений избавите мя, и осуждения страшнаго, Твоею милосердою мольбою и паче слова силою Твоею.

Слава: Изменившая человеки от тли смерти Рождеством Твоим, Владычице, тления мя страстей и недуг избави, и прегрешений лютых: и живот нестареющийся даруй ми, Божественным ходатайством Твоим.

И ныне: Неизменно человеком уподоблься по всему, Божий Слове, от Девы Чистой прошёл еси яве и всем явил еси Богоча́лие Трисветлое, в неразличне Существо́, неизменных Ипостасех.

Песнь 4

Ирмос: Отча не́дра не оста́вь и соше́д на зе́млю, Христе́ Бо́же: та́йну услы́шах смотре́ния Твоего́ и просла́вих Тя, Еди́не Человеколю́бче.

Мило́сть Твою́ и милосе́рдие на рабы́ Твоя́, Чи́стая, прости́, при́сно моля́щая Тя, стра́шныя му́ки избавля́ющи моли́твами Твои́ми.

Чи́стою моли́твою, и те́плою ве́рою, к Тебе́ прибега́ю, Пренепоро́чная: Ты бу́ди очи́стилище мно́гих прегреше́ний мои́х, избавля́ющи и спаса́ющи мя.

Слава: Ра́дости на́шей Ходата́ица Пречи́стая Твои́м Рожде́ством яви́ся, Влады́чице: Сего́ моли́, Пренепоро́чная, напáстей изба́вити и ве́чныя жи́зни сподо́бити мя.

И ныне: Отческих недр не отлу́чься и от Девы вопло́щся, Христе́ Бо́же, сохрани́ ста́до Твое́, смотре́ния Твоего́ покланя́ющееся Боже́ственным о́бразом.

Песнь 5

Ирмос: Но́щь несветла́ неве́рным, Христе́, ве́рным же просвеще́ние в сла́дости словес Твои́х: сего́ ра́ди к Тебе́ у́треннюю и воспева́ю Твое́ Божество́.

Тя молю́, Де́во Чи́стая, от мра́чнаго греха́ ду́шу мою́ изба́вити и озари́ти Боже́ственною заре́ю пока́яния ми́лости Твоея́.

Су́щия в пучи́не лю́тых напáстей и ну́жных страсте́й, Пресвята́я Чи́стая, Твои́ми моли́твами и мольба́ми изба́ви и спаси́ хва́лящих Тя.

Слава: Я́же Бо́га заче́нши во утробе́ девичесте́й и ро́ждши, Богоро́дице Пресвята́я, Тя пою́щая от вся́каго изба́ви ве́чнаго осужде́ния.

И ныне: Ве́дуще Бо́жию Тя Ма́терь, Чи́стая, и засту́пницу на́шу, Тя ходата́ицу предлага́ем спасе́ния на́шего ко Ще́дрому Го́споду.

Песнь 6

Ирмос: Возопи́х, Го́споди, внегда́ скорбе́ти ми, к Тебе́, и возве́л еси́ живо́т мой, Многоми́лостиве.

Твоего́ Сы́на, Влады́чице, вознесе́ннаго на Крест и изба́вльшаго челове́ки от тли, умоли́ спасты́ся нам.

Пречи́стая Влады́чице, не оста́ви мене́, на Тя упова́ющаго: но Твою́ ускори́ по́мощь.

Слава: От печа́ли изба́ви призыва́ющих Твое́ Боже́ственное и́мя и стра́шныя свободи́ му́ки.

И ныне: Пречи́стая Влады́чице, наде́ждо твёрдая, любо́вию пою́щая Тя, я́ко и́стинную Богоро́дицу, сохрани́.

Таже: Го́споди поми́луй, *трижды.* Слава, и ныне

Седален, глас 7:

Распéншагося нас ра́ди Христа́ Бо́га и низло́жшаго сме́рти держа́ву, непреста́нно моли́, Богоро́дице Де́во, да спасе́т ду́ши на́ша.

Песнь 7

Ирмос: Пещь о́троцы огнепа́льну дре́вле росоточа́шу показа́ша, Еди́наго Бо́га

воспевающе и глаголюще: превозносимый отцев Бог и препрославлен.

В недоведении и печали сый и в бедах, Пречистая, Ты призываю тепле от сердца моего: предвари и избави мя, и подаждь, Чистая, утешение мне.

Прегрешений многих и страстей треволения обуревают мя и ко глубине погибели низводят: даждь мне руку, Богородице, и спаси, и помилуй мя силою Твоею.

Слава: Твою Матерь привожду Ти в молитву, Спасе Человеколюбче: юже прием, избави мя прегрешений и будущего суда, и вечнующаго изми мучения.

И ныне: Умерщвленну душу стяжав лютыми преступленьми, Ты молю, Владычице, уморившую ад Рождеством Твоим, покаяния образы оживи мя.

Песнь 8

Ирмос: Воистину Сущаго Бога, и всех существа виновнаго, Христа превозносим и славословим во вся веки.

Спаси мя, Пречистая, от бед и тли, и страстей: к Тебе бо прибегаю, моей надежде, и Божественному спасению.

В час конечный от клеветник лютых изъемши, Владычице Дево, к Божественному жилищу Сама настави мя.

Слава: Возникни, о душе! Богородице припадаючи, возопий: Надежде и Спасение всех, огня вечнаго избави мя.

И ныне: Едину в женах Благословенную Деву воспойм, Христа превозношающе и славословяще во вся веки.

Песнь 9

Ирмос: Мати Божия и Дева, рождающая и девствующая паки, не естества дело, но Божия снисхождения: тем яко Едину, Божиих чудес сподобльшуюся, Ты присно величаем.

Богородица приносит Ти мольбу о мне, Владыко Христе, юже приим, избави мя от всякия муки.

Всегда молю Тя, Владычице: смиренную избави душу мою будущего суда и муки.

Слава: Творца моего и Зиждителя моли, Дево, страшнаго избавити мя суда и жизнь даровати ми.

И ныне: Всенепорочная Мати Дево Чистая, душевных скверн избави Твое стадо, Тебе величающее.

В СРЕДУ

Канон Пресвятей Богородице

Песнь 1

Ирмос: Манием Твоим на земный образ преложися прежде удобообразливаемое водное естество, Господи: темже немокренно пешествовав Израиль, поет Тебе песнь победну.

Припев: Пресвятая Богородице, спаси нас.

Водами животочными, Дево, напои истаявшую душу мою зноем греховным, яко да клас плодоносен возвращу, Чистая, Божественного умиления.

Одожди ми, Чистая, капли умиления щедротными каплями, имиже отмыю, Отроковице, всю душевную скверну, от невнятия ей прибывшую.

Слава: Ты, Содетеля Твоего во утробе приемши, без тли родила еси, Младенца Бога суща бывшего, странно чудо, Раба и Мати еси, Владычице безневестная.

И ныне: Избавителя человеческого роду и Свободителя и Спаса, Христа нам родила еси, Дево Мати Пречистая: темже яве Ты знающе, Ходатаицу жизни вечныя славим.

Песнь 3

Ирмос: В начале небеса́ всесильным словом Твоим утверждёй, Господи Спасе, и вседетельным и Божиим Духом всю силу их: на недвижимем мя камени исповедания Твоего утверди́.

Телесную багряницу от Твоих Пречистых кровей обагрив Царь всех и сию носив кроме тления естеством, Бог же и Человек, от Тебе пройде, Дево, имея Царство неизменно.

Яко сокровище благих и неизреченных, Дево, данное всем от Бога, подаеши нам независтное благодати, чудесныя дары, в напастех и бедах и в немощех, молящимся Ти.

Слава: Ты Даниил чудный провидя гору, Чистая, от неяже камень отсечёся Христос, сокруши бесовския истуканы. Темже яко всех добрых песнословим вину, избавлени Рождеством Твоим.

И ныне: Богогласный Ты некогда провиде свиток, в немже Слово написася, Чистая, перстом Отчим. Темже молися в книзе написати мя жизни, лукавое писание грехов моих растерзавши.

Песнь 4

Ирмос: Отча недра не оставль и сошед на землю, Христэ Бже: тайну услышах смотрения Твоего и прославих Тя, Еди́не Человеколю́бче.

Молитву к Рождшемуся из Тебе, Богородице, сотвори, яко да обрящем помощь во время обстояния, иже страсти Того славыи.

Миро из Тебе, Пресвятая Чистая, излившаяся, Содетель естества, благово́ния исполни всяческая Божественными разумными и смрадную леть прогна́.

Слава: Яко мысленную лествицу, Чистая, поставлей Ты сущим на земли Христос Бог, Тобою к Небесным Божественным деянием верныя возводит, яко Милосерд.

И ныне: Отягчен бременем многим греховным, Благая, зову Ти: очищение ми явися, Бога рождающая, мира Вземлющаго прегрешения.

Песнь 5

Ирмос: Господи, Бже мой, от но́щи у́треневав, Тебе молюся: подаждь ми оставление прегрешений моих и к свету Твоих повелений пути моя направи, молюся.

Мати Человеколюбца и Бога, Препетая Богородице, верою Ты и любовью песньми восхваляющему присно, очищение Твоими мольбами прегрешений моих низпосли мне.

Пречистая Богородице, приятелище сущи неизменнаго Света и храм Божественный Зари, мою душу омраченную светом Твоим просвети, молюся.

Слава: Господи Бже мой, Иже быти Человек изволивый, молюся Ти: благоволи спасти мя блуднаго, ради чисто рождшия Ты Девы и Чистыя Отроковицы.

И ныне: Владычице Богомати, моих прегрешений подаждь прощение, Яже Жизнь ипостасную миру рождающая, Пренепорочная.

Песнь 6

Ирмос: Плавающего в молве житейских попечений, с кораблем потопляема грехи и душетленному зверю приметаема, яко Иона, Христэ, вопию Ти: из смертоносныя глубины возведи мя.

От тли смерти и еже от Адама греха, Твоим избавихомся, Богородице, безсеменным Рождеством: Бог бо вкупе и человек Единый, Тойже и Сын Сый, избавление согрешений верным даруя.

Моих прегрешений, Владычице, раздери рукописание, в книзе мя спасенных

написа́вши, Божѣственнымнми моли́твами Твои́ми: я́ко да во хвалѣнии Тя пою́, святѣйшую херувимъ сущую.

Слава: Отриновѣнныя дрѣвле пра́ведным Твои́м судомъ, Христѣ, от Твоего́ лица, призвалъ еси́ плотскимъ пришѣствиемъ, я́ко Милосѣрд. И ны́не, Бла́же, согре́шшия ны приими́ и от золъ преме́ни.

И ны́не: Очище́ние ро́ждшую и грѣшниковъ Благода́теля, Де́во Пречи́стая, молю́ Тя: вины́ безме́рныхъ прегрѣше́ний мои́хъ разреши́ Ма́тернею Твое́ю моли́твою: имаши бо, я́ко Ма́ти к Сы́ну, е́же мощи́.

Таже: Го́споди поми́луй, *трижды.* Слава, и ны́не

Седален, глас 8

Под кровъ Твойъ вси земноро́днии прибега́ем, изба́ви вѣчнующаго огня́ ду́ши на́ша, Благо́я.

Песнь 7

Ирмос: Пещь о́троцы огнепа́льну дрѣвле росоточа́щу показа́ша, Еди́наго Бо́га воспева́юще и глаго́люще: превозноси́мый отцевъ Бо́же и препрославленъ.

Отягчѣнный умъ мой сномъ, Всенепоро́чная, ко благо́имъ дѣланиемъ воздвигни: я́ко да ублажа́ю Тя, Честне́йшую вся́кия твѣри.

Ю́нии триѣ о́троцы посреде́ пѣщи Твое́ прообража́ху Рождество́: не опали́ся у́бо, огоньъ ро́ждши, Чи́стая. Тѣмже вѣщныя ми стра́сти се́рдца попали́.

Слава: В жена́хъ Тя кра́сну и добру́ Прекра́сный Госпо́дь уразумѣвъ, из Тебе́ воплоти́ся. Того́ у́бо моли́, Пресвята́я Отрокови́це, спасти́ мя.

И ны́не: Божѣственная Роса́ из Тебе́ прошѣдши, истая́вшия знѡемъ грехѡ́внымъ ороша́ет, Пренепоро́чная. Тѣмже Тя молю́, истая́вшую ду́шу мою́ ороси́.

Песнь 8

Ирмос: Неопальная огню́ в Сина́и прича́щаяся купина́ Бо́га яви́ медленозы́чному и гутнѣвому Моисѣови, и о́троки ре́вность Бо́жия три непребори́мыя во огни́ певцы́ показа́: вся дѣла́ Госпо́дня, Го́спода по́йте и превозноси́те во вся вѣки.

Неопальна огнемъ в Сина́и бесе́довавши купина́, Твое́ показу́я стра́нно Рождество́ Богови́дцу Моисѣю. Тѣмже уди́влься стра́нному Рождеству́ Твоему́, Чи́стая, ра́дуясь вопия́ше: вся дѣла́ Госпо́дня, Го́спода по́йте и превозноси́те Его́ во вѣки.

Умерщвлѣнный умъ грехѡ́м, Я́же живѡ́тъ ро́ждшая, Чи́стая Де́во, оживотвори́ и спаси́ к Бо́гу премене́нии Твои́ми Ма́терними, прѣсно мя пою́ща: вся дѣла́ Госпо́дня, Го́спода по́йте и превозноси́те Его́ во вѣки.

Слава: Име́ю Тя, Чи́стая, в но́щи и во дни храни́тельную неотсту́пну, от мы́сленныхъ и ви́димыхъ врагъ, ника́коже наве́та зла и лука́ва ужа́саюся, поя́ Христу́: вся дѣла́ Госпо́дня, Го́спода по́йте и превозноси́те Его́ во вся вѣки.

И ны́не: От Своего́ Человеколю́бия Сынъ Твойъ, Богоро́дице, я́ко Благо преклоня́емъ, Тя подаде́ по́мощь на враги́ и цельбу́ страсте́й вѣрою зову́щим: вся дѣла́ Госпо́дня, Го́спода по́йте и превозноси́те Его́ во вся вѣки.

Песнь 9

Ирмос: Нетлѣния искуше́ниемъ ро́ждшая и Всехитрецу́ Сло́ву плотьъ взаимода́вшая, Ма́ти неискусому́жная Де́во Богоро́дице: приятелище́ Нестерпи́мага, село́ Невместима́го Зижди́теля Твоего́, Тя велича́емъ.

Неокра́домое бога́тство дѣвства Твоего́, Ма́ти плоти́ю яви́лася еси́ Вседержи́теля, Невѣсто́ Неискусому́жная, Де́во Богоро́дице, воспита́вши, я́ко Младѣнца,

Питающаго яко Зиждитель весь мир и Освящающа.

Человеколюбнейшее Слово рождши, Дёво, грехи мира вземлющее, Сего моли нам низпослати грехов разрешение, верою несумненною по долгу Тя блажащим.

Слава: Грехолюбив сый, трепещу и боюся, да не внезапно конец жития достигнет мя, Чистая Владычице, всех обидимых предстательнице, и образы мя покаяния укрепити ныне умолена буди.

И ныне: Да не во огонь последи мя, уготованный мне, молит Тя Дёва, рождшая Тя, и Божественный безплотный лик, апостоли, пророцы, мученицы и священноначальницы, и души праведных, Всещедрый и Многомилостиве.

В ЧЕТВЕРТОК Канон Пресвятей Богородице

Песнь 1

Ирмос: Истрышему Богу фараона в мори Чермнем, песнь победну поим, яко прославися.

Припев: Пресвятая Богородице, спаси нас.

Живота моего прозря наставший конец, Владычице, вопию: Ты ми даждь очищение согрешений, Богоневесто.

К пучине благостыни Твоея притек, вопию: Владычице Благая, избави мя всякаго мучения.

Слава: Владычице, прими нас, верою прибегающих к Тебе, и подаждь напастей и скорбей избавление.

И ныне: Ты падшую Адамову скинию пророчески возставила еси, Спаса и Бога, Пречистая, во чреве носивши.

Песнь 3

Ирмос: Утвердися верою Христова Церковь, Небо непрестанно песнями вопиет, поющи: свят еси, Господи, и Тя поет дух мой.

Яже Бога и Владыку неизреченно зачешая, обдержима мя бурей греха, Ты от сих избави и спаси мя, Пречистая.

Согрешений неподобных ночью мя одержима, покаяния лучами озари, Отроковице, делати ми подавши света дела всегда.

Слава: Яже Небесный Хлеб рождши, Богородице, питающи всех верных сердца, насыти алчущую душу мою страстную.

И ныне: Утвердихся, Божественное Твое Рождество разумев, и заступлением, Дёво, обогащаяся, зовый: свят еси, Господи, спасая души наша.

Песнь 4

Ирмос: Услышах слух Твой и убоихся, разумех дела Твоя и ужасохся, Господи.

Стенюща пред Тобою, Владычице, и вопиюща прилежно от ума моего, да не презриши мене, ниже посрамиши.

Попали унзший терн окаянные моя души, сластей плотских, Яже Огонь Божественный, Владычице, рождшая.

Слава: Подаждь ми согрешений оставление, всеблагословенная Чистая, и избави вечнаго и ужаснаго мучения.

И ныне: Слово в Тя всельшееся, Пречистая, существо мое возобрази, падшее преступленьми.

Песнь 5

Ирмос: Утренюет дух мой к Тебѣ, Бѣже, занѣ Свет еси, и Твоя повелѣния быша исцелѣния рабѣм Твоим, Человеколюбче.

Уподобихся безсловесным скотом преокаянный, страстьми безсловесными окаянней моеѣ плоти работая: Ты, Богородице, подаждь ми воспряновѣние.

Помилуй мя, паче всех человек согрешившаго и к Твоему покрову прибегающа теплomu, Богородице Дѣво, и мучений исхити.

Слава: Иже Богородицу исповедающии Тя, Мати Дѣво, непреидущаго Царствія и пищи Тобою, Богомати, улучшить да сподобятся.

И ныне: Благословенная и Препрославленная Мати неискусомужная, умерщвленную грехами душу мою, и страстьми погорбленную недержанными, оживотвори.

Песнь 6

Ирмос: Иона из чрева адова вопиаше: возведи от тли живот мой: мы же Тебѣ вопием: всеильне Спасе, помилуй нас.

Содержит мя буря греховная, Дѣво, и ко тли отчаяния ведет: но простри ми руку помощи твердую и всемошную.

Елей, еже в Тебѣ, теплаго милосердия, возлей на мя Владычице, и избави согрешений, исхити огня вечнующаго.

Слава: Иже разрешившая от болезни, Дѣво, Еву, Рождеством Твоим Пречистым, разреши ми, Отроковице, болезни страстных моеѣ души и телесѣ.

И ныне: Песнословииши из Тебѣ воплощеннаго Бѣга и рыдаеши, на Крестѣ вознесена Того смотряючи, Мати Дѣво Чистая и Пренепорочная.

Таже: Господи помилуй, трижды. Слава, и ныне

Седален, глас 7:

Плод чрева Твоего, Чистая, Крест водрузи в концы, и тли мир избави: темже Тя яко Преславную величаем.

Песнь 7

Ирмос: В пещь огненную ввержени преподобнии отроцы, огонь в росу преложивша, воспеванием сице вопиюще: благословен еси, Господи Бѣже отец наших.

Прегрешений моих умножися прещение, суда достойно, Чистая, припадаю и зову Ти: прежде конца подаждь ми очищение и умиления слезы, и нравом исправление.

Недоговавши мя люте скверными прегрешениями, Чистая, и ко отчаяния идуща гробу, яко рождши Жизнь всяческих, Пречистая, Божественными деяниями оживи.

Слава: Богородительнице Благая, верою призывающих Твою благодать присноживущую, мысленныя смерти избавляющих, Царствія сподоби Пречистыми Твоими молитвами.

И ныне: Непостижное Рождество Дѣвы славословим, имже смерти избавихомся: Егоже ради рождшеся в нетление, благословен еси, зовем, Господи Бѣже отец наших.

Песнь 8

Ирмос: Единого безначальнаго Царя Славы, Егоже благословят Небесныя силы, и трепещут чины ангельстии, пойте священницы, людие, превозносите Его во веки.

Страстей мя пещь попалает, Дѣво, и огнем сластей поядает: предваривши,

милостивною Твоею росю угаси ю, даючи души моей устужение крепко.

Душу оскверних и растлих плоть сластми, валяясь в сих, и бых поругание человеком и смех врагом: Владычице Богородице, помощница мне буди.

Слава: Бога, Ебоже родила еси, Дево, умоли низпослати спасение верно чтущим Тя, и бед разрушение, и недугов лютых пременение скорое, и благодать вечную.

И ныне: Создавшего Адама по образу, и от смешения его прошедша, и разрешша первую клятву, пойте, священницы, Господа и превозносите Его во веки.

Песнь 9

Ирмос: Всепетая небес превышшая, Безначальное Слово безсеменно зачешая, и воплощенного Бога рождающая человеком: тем Тя вси величаем.

Всесветлая Дево Мати Богородице, окаянную душу мою, люте омраченную страстми плотскими, светом молитв Твоих в страх Божий светло настави.

Отчаявсья от множества согрешений моего спасения и недоуменен явихся, Владычице Всевышняя: Твое благодеяние и милость Твою низпосли мне.

Слава: Рождество Твое, Богородице, еже паче естества, удивляет ангелы, ужасает же человеки: всем бо несказанно есть и непостижимо. Сие же поюще, благочестно Тя славим.

И ныне: Умерщвления и тления ризы совлещи ми, Дево, Яже спасения Ризу, воплощенного Слова, рождши человеком: темже вси Тя присно величаем.

В ПЯТОК

Канон Пресвятей Богородице

Песнь 1

Ирмос: Манием Твоим на земный образ преложиися прежде удобообразливаемое водное естество, Господи: темже немокренно пешествовав Израиль, поет Тебе песнь победную.

Припев: Пресвятая Богородице, спаси нас.

Владычице Богородице, иже на Тя упование имущия и к Тебе притекающия, бед же и скорбей избави, и падения, и вечнаго пламене, и муки.

Росю милосердия Твоего, Дево Чистая, пламень погаси моих падений, яко да не ко искушению прииду всякаго осуждения и огня будущего.

Слава: Одожди ми, Дево, капли Твоего милосердия, сластей зноем всегда иссушаему, яко да непрестанно славлю от Тебе рождаемого Бога и Спаса нашего.

И ныне: Водю напои Твоея молитвы, Дево, душу мою, разгоревшуюся печальным зноем, яко да Божественнаго веселия от Тебе Рождемуся плоды принесу.

Песнь 3

Ирмос: В начале небеса всеильным словом Твоим утвердех, Господи Спасе, и вседетельным и Божиим Духом всю силу их: на недвижимем мя камени исповедания Твоего утверди.

Тя молю, Дево, спасение души моей и очищение подаждь, и благодать независтну, яко сильна и блага, и яко человеколюбива Отроковица, и жизни нетленные сподоби.

Неложное спасение и Предстательнице мира, рождающая Зиждителя, Чистая Дево, от бед избави воспевающих Тя верно, и напастей жития, и вечнаго осуждения.

Слава: Молимся прилежно щедротам Твоим, Отроковице, не презри рабы смиренныя: но яко Благая, милостивным Твоим оком призри, и томительства нерешимаго диаволя нас избави.

И ныне: Ныне зельством печали объят есмь, Дево, крепость мою всю разслабив, и

весь на земли ниц лежѹ. Но вопиѹ Ти от души: Ты воздвигни мя паки и утешением Твоим укрепи.

Песнь 4

Ирмос: Отча недра не оставль, и сошед на землю, Христѣ Бѣже, тайну услышах смотрѣния Твоего и прославих Тя, Едине Человеколюбче.

Мати Бѣжия, избави мя от тли и льстиваго томителя змия, присно мя обходящаго и запинающаго по Бѣзе стопы моя.

Мысленныя Двери жизни, покаяния ми двери отверзи: яко ныне ко отчаянным дверем приближися, окаянный, от многих согрешений.

Слава: Кал страстей и сластей отряси добре милосердием Твоим, Пресвятая, чиста покажи, и одеждею облещи мя световидною благодатию.

И ныне: Скверну души и нечистоту телесе моего очистивши, Чистая, благоприятными мольбами Твоими, чиста представи воспевати присно Тебе и славити.

Песнь 5

Ирмос: Ночь неслетла неверным, Христѣ, верным же просвещение в сладости словес Твоих: сего ради к Тебе утренюю и воспеваю Твое Божество.

Преблагаго Слова, Дѣво Всенепорочная, моли спастися нам: ибо заступницу Тя стяжахом и в нуждах помощь крепку.

Не предаждь врагом мя, Чистая, мою пагубу зело ищущим грехов моих ради: но милосердием Твоим от сих вреда исхити.

Слава: Ведуще Тя Бога всех, Христѣ, и всех Творца, на Тя Единого возложихом спасения упование, нас ради вочеловечшагося.

И ныне: Радуйся, облаче Чистая, воду животну источающий, радуйся, Дѣво, мучеников утверждение и апостолов, радуйся, честное славословие, Пренепорочная.

Песнь 6

Ирмос: Плавающего в молве житейских попечений, с кораблем потопляема грехи и душеленному зверю приметаема, яко Иона, Христѣ, вопиѹ Ти: из смертоносныя глубины возведи мя.

Благолепия и красоты доброту, юже имѣх Крещением, погубих, Владычице, дѣя неподобная: Ты же теплым Твоим предстательством сию подаждь верно чтущим Тя.

Страдания и одержания нужднаго и печали избави мя, Богородице, утешение ми Твое подающи: инья бо не имам заступницы, разве Тебе, Всенепорочная, аз раб Твой.

Слава: Избавителя рождающая, Благодателя и Спаса, крепость имаши и можеша елико хочеша творити, Пренепорочная. Темже Тя молим, твой раб: избави нас страстных молвы.

И ныне: Ты облак легок древле зрит, просвещаемъ Духом, пророк Исаиа, на немже седе славы Господь, прииде и низложит египетския вся истуканныя, Дѣво Мати Пречистая.

Таже, Господи помилуй, трижды. Слава, и ныне

Седален, глас 7:

Избави огня вечнующаго поклоняющихся Рождеству Твоему: Ты бо Христос показа заступницу нам, поющим Тя.

Песнь 7

Ирмос: Пещь отроцы огнепальну дрэвле росоточащу показаша, Единаго Бога воспевающе и глаголюще: превозносимый отец Бог и препрославлен.

Грехов одержит мя множество и ко тлению низводит мя пагубы и отчаяния: Богородице, предвари и подаждь ми помощь спасительную.

Избави мя всякаго вражия злодейства, и искушений и скорби, и в тишине и мире сохрани душу мою, Пречистая: яко да радуяся, пою силу Твою.

Слава: Осуждение провидя делом моим лукавым, окаянный, взываю Ти из глубины сердца моего, Пречистая: Ты ми буди, Владычице, заступление и спаси мя.

И ныне: С мученики, со ангелы и со апостолы, Всенепорочная, Твоего Сына и Господа моли спасти рабы Твоя от напастей и бед и печалей.

Песнь 8

Ирмос: В пещи отроки подражающе, духовную росу приемши, верою зовем: благословите, дела Господня, Господа.

Буди ми помощь, Дево Пресвятая, к Тебе прибегающему и вопиющему с верою: помилуй, Чистая, и прежде конца очищение согрешений даждь ми: и в час кончины подаждь спасение, и по кончине покой даруй.

Ужас одержит мя лют, егда помышляю страшное испытание и Судию Неумолимаго содеявшим лукавая, якова же воистинну юже аз окаянный содеях, и муки оныя конца не имущия: Владычице мира, буди ми спасение.

Слава: Иже земнородных виновна спасению, о верных поборнице, грешников очищение! О источнице всего добра и подателю благих, Богородительнице Чистая! Ты ми душевная болезни исцели и источи благодать вечную, и славу и веселие.

И ныне: Дар от нас Яже дана еси, Владычице, яко от начала естества, мольбы наша, Пречистая, прими дары красны, воздающи нам Твою помощь: яко да непрестанно из Тебе Роддшагося поем и превозносим во веки.

Песнь 9

Ирмос: Мати Божия и Дева, рождающая и девствующая паки, не естества дело, но Божия низхождения: тем яко Едину, Божиих чудес сподобльшуюся, Тя присно величаем.

Под Твой кров, Дево, ныне прибегох, от множества прегрешений обуреваемого и погибающего спаси мя, Яже Спаса и Зиждителя рождши, и вечнаго избави осуждения.

Творца и Бога и Господа, от Твоих воплощагося пречистых кровей, о нас, Чистая, моли, ущедрити милосердием Твоим люди отчаянные.

Слава: Огня негасимаго избави мя и тьмы внешняя, и плача вечнаго, осуждению суща достойна, о Пресвятая, Чистая Богородице, ходатайством Твоим теплым к Богу.

И ныне: Под Твоею, Богородице, благодатию сохраняемь, не снесен пребываю прилоги сопротивных враг: темже яко утверждение Божественно и степень, воспеваю и поклоняюся, и величаю Тя.